

ipse immortalitatem consequatur: est enim ὁ ἔχων τὴν ζω-
 ἴην ἐν ἑαυτῷ καὶ μόνος ἀφθάρτος, vitam habens in se ipso,
 unusque, qui incorruptibilis existit. Quin potius, ut
 nos, etsi moriamur, haud tamen unquam vere mo-
 riamur, verbo veritatis suæ nos regenerat. En!
 ergo eum Patrem quoque optimum & benignissimum.
 Meminit ipsius hoc loco Apostolus, quando se (ut id
 pluribus infra docebitur) Galatarum matrem tantum,
 non Patrem, haud obscure appellat, subinnuens,
 DEUM parentis locum in spirituali eorum generati-
 one tenere. Equidem Paulum patrem Corinthiorum
 I. Ep. c. IV. 15. se dixisse, aliquibus videtur, cum ita
 ad eos scribit: εἰ μὲν πολλὰ παιδαγωγὸς ἔχητε ἐν χερσίν,
 ἀλλ' ὄχι πολλοὺς πατέρας. ἐν γὰρ χερσίν Ἰησοῦ διὰ τῆς εὐαγγελί-
 ας ἐγὼ ὑμᾶς ἐγέννησα, etiamsi innumeros habeatis peda-
 gogos in Christo, non multos tamen habetis patres: siqui-
 dem in Christo Jesu per Evangelium ego vos genui. At
 enim si contextui locisque parallelis propius attendi-
 mus, stare fortassis posset ea sententia, quæ per
 unum Patrem Corinthiorum ipsum Jesum Christum
 intelligi; Paulumque hic etiam tantum matri assimi-
 lari statuit, ut sensus sit: ego instar matris, in Jesu
 Christo, tanquam parente, per Evangelium, tanquam
 per semen spirituale, vos genui. Et ne credas, de matre
 non usurpari phrasin activam γεννᾶν υἱόν, genarare fi-
 lium, sed passivam tantum, ἐξ αὐτῆς γεννηθῆναι gene-
 rari ex ipsa, en! tibi locum Luc. I. v. 57. extantem,
 ubi de Elisabetha legitur, quod ἐγέννησεν υἱόν filium
 genuerit.

§. X. Tanto magis hoc loco Parens in gene-
 ratione spirituali nobis audit *solus Deus*, Deus autem trin-
 unus,